

Сталлинец

ВКП(б)-лэн УАССР-ысь Иж Райкомеэлэн но Райисполкомлэн органзы

16 август

1937 ар

№ 85 (303)

Дуныз 5 к.

Москва—Северной полюс—Северной Америка маршрут'я лобзон сярэсь правительственной комиссилэн ивортонэз

Советской Союзлэн Героезлэсь С. А. Леваневский эшлэсь, лётчик Н. Г. Кастанаев эшлэсь, штурман В. И. Левченко эшлэсь Москва—Северной полюс—Северной Америка маршрут'я пуксылытэк лобзын разрешение сётон сярэсь ходатайствозэс правительство удовлетворить кариз.

Старт 1937 арын 12 августэ 18 часын но 15 минутэ Москва дорысь Щелковской аэродромысен сётэмын. Самолёт Архангельск—Северной полюс—Аляска маршрут'я курс басытыз.

Лобзон инженер В. Ф. Болховитиновлэн конструкциезлэн „Н—209“ самолётэныз ортчытиске. Солэн ныль „АМ—34—РНБ“ мотор'эсыз дуо.

Самолётлэн экипажез: Советской Союзлэн Героез С. А. Леваневский—командир, лётчик Н. Г. Кастанаев—кыктэтй пилот, капитан В. И. Левченко—штурман, бортмеханик'эс—Г. Т. Побежимов, Н. Н. Годовиков, радист—нырысь ранго военной техник Н. Я. Галковский.

Лобзовэз организовать карон'я правительственной комиссия: М. Рухимович, М. Каганович, А. Туполев, Я. Алкнис, О. Шмидт.

12 август 1937 ар.

„СССР Н—209“ самолет

„СССР Н—209“ нимо бад'ым ныльмоторо самолет Болховитинов инженерлэн конструкциез'я 1935 арын лэсьтэмын. Нырысь лобзон'эс солэсь умой качествозэ возматыз. Та машина бад'ым груз жутыны быгатэ (30 тоннлэсь ятыр) но солэн час кустын 300 километрлэсь но ятыр жоглыкэз.

1935 арын 2 мае „СССР Н—209“ Сталин эшлы но правительстволэн член'эсызлы возматэмын вал. Сталин эшлы тужгес но кельшиз фюзеляжлэн конструкциез.

Та самолётэн 4 международной рекорд пуктэмын. Нюхтиков но Липкин лётчик'эс 10 но 13 тонна грузэн туж вылэ жутскылызы. Советской Союзлэн Героез Байдуков эш таин ор

дырын кые международной рекорд пуктыз—одыг но кык сюрс километре 5 тонна грузэн.

Кастанаев лётчик испытать карон дырын 100 пол ёрос лобаз та самолётэн. Со пöльсь кудыз 26, 28, 30 но 32 тонна грузэн вал. Вань дыр чоже машинаен 50 сюрс километр лобамын.

Обычной мотор'эс интые самолётын Микулинлэн конструкциезыз надувной мотор'эс тупатэмын. Котькуд мотор 860 вал кужым'ем луэ. Та мотор'эс туж вылын дыр'я эшшо но ватсаса кислородэн снабжаться карысько.

4 сюрс метр вылын мотор'эс андан тылбурдоез часлы 280 километр жоглыкэн нуозы.

Милям маршрутмы

В. И. Левченко

„СССР Н-209“ самолетлэн штурманэз

Милям маршрутмы: Москва—Архангельск—остров Рудольфа—Северной полюс—Аляска. Со сюрес 6663 километр луэ. Та маршрутлэн пöртэмлыкэз вань. Татын ориентироваться карон средство—магнитной компас уз яра ни. Ми магнитной полюс дорты орточом. Милям лобзон участокамы муз'емлэн магнитной свойствоэз изучать карымтэ на. Соин оскыськыны уг луы. Милемлы солнечной компасэн пользоваться кароно дуоз.

Ориентироваться карыны милям маршрутмы коня ке участоклы люкыське. Самой секыт интыез полюс дорысен Аляска дорозь.

Северной полюс арктической бассейнлэн центрез уг луы. Солэн центрез недоступной полюсын луэ. Со вамен милям маршрутмы орточе. Та интыт лобзон научно интересовать каре.

Арктика районн кыче ке тодмо дуисытэм причинаен кылон (слышимость) быре. Талы милемлы дась дуоно.

Кыче шуг-секыт'эс вань милям сюрес'эсамы? Со—морской лобзон (перелет). Милям лобзон сюресмы моря вылты 5066 километр. Нош муз'ем вылты лобзонмы 1597 километр гинэ. Ми лобзиском сухопутной машинаен.

Та лобзонэн мон туж шумпотысько. Таке маршрутты кораблез нуон—бад'ым честь. Аляска дорозь „СССР Н-209“ самолётэз нуны мон аслэсьтым вань опыте сето. Та бад'ым осконэз быдэстыны тыршо.

Лудорвайской сельсоветысь „Ударник“ но „Красный Лудорвай“ колхоз'эсын ю-нянь октон-калтонлэн, сизыыл кизенлэн но нянь сетонлэн мынэмез сярэсь

Ижевской райисполкомлэн президиумезлэн 10 августэ 1937 арын пуктэмез

Колхоз'эслэн кивалтысьёсы—седателезлы Мохов эшлы выговор ялоно. Корепанов эшлэн „Ударник“—Федоров эшлэн но Лудорвайской сельсоветлэн председателез Мохов эшлэн саклыксы ныжомемен но идиотской висён-беспечностьсы ванен сэрэн но уборочной уж'эсты организовать карон'я партилэсь но правительстволэсь решениоссас пырак игнорировать каремнызы сэрэн аранэн но зегез культое керттонэн бад'ым вис кариллям шуыса президиум пус'е. Тйни со вис луон „Ударник“, колхозын 20 гаозь вуэмын, „Красный Лудорвай“—50 гаозь, нош быдэсак сельсоветын 110 гаозь вуэмын. Та колхоз'эслэн председател'ёсы ик арам куз культое керттытэк кабанэ сюриллям, шед'эсты уг люгало. Соин сэрэн туж бад'ым ыштон'эс луэмын.

Со ыштон'эс гектарысь 4 центнерозь вуэмын но соин валче колхозник'эслэн трудоденьзылэн стоимостез синэтонэ вуттэмын.

Таин чоп Лудорвай сельсоветысь куд-ог колхоз'эсын антигосударственной тенденциос инты басыто. Отын, нырысь кутсам нянез государствовлы сётэм интые, колхозлэн аслаз кудэяськон'эсызлы кутэ, со быдэсак сельсоветлы нянь сётон планэз быдэстыны жегатэ („Красный Лудорвай“ колхозын 250 центнер кутсам нянь пöльсь государствовлы 25 центн. гинэ сётэмын).

Сельсоветын чудантэн лямына сизыыл кизён но (7,6%). Райисполкомлэн уполномоченнойёсыз Санникова но Веретенников эш'эс сыче урод уж'эсын примириться карыськызы, та янгыш'эсты соку ик быдтон понна большевистской нюр'яськон оз организоватьта, соин соос асьсэлэсь беспечностьсэ но кужымтэм дуэмзэс возматыз.

Сельской хозяйстволэн специалист'эсыз Обороина, Косенков, Жуйкова та колхоз'эсы вуыса но озы ик палэнын сылыса учкысьёс кадь гинэ кылызы.

Райисполкомлэн председателез Карнаухов эш но МТС-лэн директорез Блинов эш та колхоз'эсын урожайностез определять карыса велыкузы, со янгыш'эсты аджиллямтэ но озы ик ужез тупатон вылысь ужрад'эс оз кутэ.

Президиум пуктэ.

1. Уборочной уж'эсты организовать карон'я партилэсь но правительстволэсь решениоссэ игнорировать каремез понна, тйни соин зегез аранэн но сое культое керттонэн бад'ым вис дуэмен уно ыштон'эс лэземез понна (гектарысь 4 центнерозь) Лудорвайской сельсоветлэн пред

седателезлы Мохов эшлы выговор ялоно.

2. РИК-лэн уполномоченнойёсызлы Санникова но Веретенников эш'эслы, со вис луонэз тодыса но сое быдтыны ужрад'эс организовать карымтэзы понна, выговор ялоно.

3. Та ягыш'эсты тодыса вылысь кулэ ужрад кутымтэзы вылэ Карнаухов. но Блинов эш'эслы возматэно

4. „Красный Лудорвай“ колхозлэн председателезлэсь Корепанов эшлэсь арам нянез 3 нуналскын культое керттыса быдтон но зег'я нянь сётонэз 2 нуналскын быдэстон сярэсь заявленизэ, но Федоров эшлэсь арам нянез одыг нуналскын керттылыса быдтон сярэсь заявленизэ сведенилы басытоно.

5. Райзолэн заведующеозлы Королева эшлы но МТС-лэн даректорезлы Блинов эшлы та дырын Лудорвайской сельсоветэ вуылэм специалист'эслэсь ужзэс эскерыны но та вис луонэз быдтон, понна кулэ ужрад кутымтээн янгыше усем мурт'ёслы дисциплинарной выскание сётэны косоно.

6. Денисов эшлы хлебопоставкаен тырмыт кивалтымтэз вылэ возматэно но ю-нянь сётон планэз быдэстон вылысь ужез организовать карыны косоно сое.

7. Федоров но Корепанов эш'эсты колхозник'эслэсь внеочередной собранизэс отыны но отын асьсэлэн янгыш'эсы сярэсь вераны косоно. Та собранияносы ик „Ударник“ колхозэ Королева эшез но „Красной Лудорвай“ колхозэ Блинов эшез ыстоно Соослы та постановлениез проработать карыны но та колхоз'эсын луэм янгыш'эсты тупатон'я ужрад кутыны косоно.

8. Сортировать карымтэ зег кидысен кизыны лэзэно овёл, но зег кизёнэз тупатэм дырлы, 15 августы, быдтыны косоно сельсовет'эслэсь но колхоз'эслэсь председател'ёссас.

9. Вань сельсовет'эсты, колхоз'эсты, колхозник'эсты но колхозницаосты „Ударник“ но „Красный Лудорвай“ колхоз'эсын луэм янгыш'эсысь урок лэсьтыны но октон-калтон уж'эсты ю-тысез ыштон'эстэк орчытон вылысь организовать карыны райисполком оте. Кудог колхоз'эслэн кивалтысьёсызлэсь антигосударственной уж'эсас чутрак шуконо но государствовлы ю-нянь сётонэз дырзлэсь азывыл быдэстонэз обеспечить кароно.

Райисполкомлэн председателез КАРНАУХОВ.

Райисполкомлэн секретарез. КОНОВАЛОВ.

Перелётлэн мынэмез сярэсь

Советской Союзлэн Геройезлэн Леваневский эшлэн лобземеэ сярэсь 13 августэ перелётлэн штабаз ялан ивортлызы. Лобзон умой мынйз. Московской времяя 13 часын но 40 минутэ „СССР Н-209“ самолёт Северной полюс вадьсытй лобзиз, соборе Аляска пала лобзиз, 14 часын но 32 минутэ радиограмма бастэмын вал. Та радиограммаын самолётлэн одыгез моторез маслопровод сёрискемен сэрэн ужамысь дугдыз шуыса ивортэмын. Та дыр азелы горючий материал кулэмыса, самолёт унолы капчыяз но куинь моторен улэ лэзискытэк азылане лобзыны быгатыз.

Леваневский эшлэн лобземеэ сярэсь правительственной комиссилэн ивортэмысьтыз

14 августэ самолётэн кустып кутон вис'яскыс.

Самолётлэн азылане лобзонэз сярэсь ивор'эс куазь урод луэмен оз вуэ ни.

Леваневский эшлэн самолётэз полюслэн мукет палаз пуксёно луиз шуыса малпано луэ.

Положениез обсудить карыса, самолётлэн экипажезлы жог юрттэт сётон сярэсь правительственной комиссия решение кутыз. Куазь урод луэмен самолётлэн лобзон условносыз туж секыт вал.

Самолётлэн экипажезлы юртыны „Красин“ ледокол но пароход „Микоян“ мынозы. „Красин“ ледокол Чукотка

берег'эс дорын, „Микоян“ пароход Баренцово морейн али луо.

Леваневский эшлэн самолётэзлы юртыны куинь „АНТ—6“ самолёт'эс Рудольфлэн островаз Москвансен лобзо. Самолёт'эсын Советской Союзлэн Геройёсыз Водопьянов, Молоков но Алексеев эш'эс управлять карозы. Та самолёт'эс ик „Северной полюс“ станция горючий материал нуозы.

Головин лётчиклэн „Н—106“ самолётэз кулэ интыны юрттэт сётэны дась луон понна „Диксон“ островэ лобзиз.

Рабоче-Крестьянской Горд Армии очередной призыв сярсы

Советской Союзлэн Оборонаезлэн Народной Комиссарезлэн 146 номеро приказзэ

10 августа 1937 арын, Москва город.

1) 1915 арын вордскем граждан'эсты, куд'эсыз 1936 арын призвать карытэк кельтэмын, но 1916 арын вордскем граждан'эслэсь быдэс контингентсэс, озы ик мойы арлыдо граждан'эсыз, куд'эсызлэн призывлы сэтэм оторочказылэн сроксы ортчиз, Рабоче-Крестьянской Красной Армиелэн действительной военной службаз туэ арын одиг сентябрысен 1

октябрьсь призвать кароно.

2) 1907 арын вордскем, отсрочкаосын пользоваться карем граждан'эсыз призывлэсь мозмытоно но нырысь очередлэн запасаз перечислить кароно.

СССР-лэн Оборонаезлэн Народной Комиссарез Советской Союзлэн Маршалзэ К. ВОРОШИЛОВ.

РККА-е призывлы умой дасяськоно

(Красноармеецлэн гожтэтэз)

Допризывник эш'эс, ти жоген асьмелэн доблестной Горд армия рад'эсы мыноды. Родина азын аслэстыд долгдэ умой честно быдэстонн ти азын али туж бад'ым ужпумсылэ—армии умой дасяськыса мынон. Мон тиледлы колхоз'эсын военной подготовкак дышетскон организовать карыны но котькуд ваньмон минутэз военной ужез изучить каронлы кутыны чектайсько. Малы ке шуоно, армии лыктыса тиледлы противогазэн, винтовкаен пользоваться карыны быгатыны кулэ, винтовкалэсь котькуд частысэ, котькуд винтикэс тодоно. Шонер но метко ыбылны быгатыны кулэ. Ти тодйськоды, калыклэн тушмон'эсыз, фашист'эс, шпион'эс нуналлы быдэ Советской границаосты нарушать карыны, асьме родинамы вылэ уськытскыны туртско. Асьмелэн дась луэммы но родинаез пумтэм яратонмы борды тушмон'эслэн туртскон'эсы пазыгиськыны кулэ.

Армии мынон азын рекрутчина лэстынлы пумит карыськыса колхозной производствон социалистической чашатскон, стахановской движение организовать каре, колхозэз юнматон понна нюр'ясконын асьтэлэсь преданностьсэс возьматэ.

СССР-ысь Верховной Советэ быр'ёнлы умой дасяськоно, быр'ён сярсы положениез изучать каре, массаосыз асьтэос быр'ёнлы организовать каре Котькуд адямины критически относиться кароно, калыклэн тушмон'эсыз советской орган'эсы туйнаськыны медаз быгатэ. Тини со тиледлы умой красноармеец луыны юрттоз.

Мон но допризывник вал, но мынам Горд Армии туж мынэме потйз. Малпанэ быдэсмиз. Тани 9 толэзь чоже мон красноармеецлэсь почетной нимзэ нуллыско но соли шумпотонме кызы вераны кыл уг шедьтйськы.

Красноармеец И. СТЕРХОВ.

Днепровской выж дорын луэм случай

Жытазе инэз пилем'эс шобуртйзы. Уй туж пеймыт луиз. Толэзэс но кизилюсыз но ад'ыны оз луы. НКВД-лэн войскаосызлэн красноармеецез чугун скорес выж дорын возымаськыса сылйзы.

...Куазь зорыны кутскиз. Поезд куазь югыт луон азын ортчыны луэ. Боец йырзэ башлыкэн шобуртйз. Одиг минут ортчэм бере, башлыкэс выльысь со куштэ. Зорлэн чашетэменыз котырысь туж лэб кылйське.

...Паллан палан ортчис скорес вылын мар ке но шапчиртэм кылйськыз. Адами кылдиз? Часовой тэтчыны но куаразэ сэтныны оз вуы на. Нош вамыш'ям'эс матын кылйськыны кутскизы.

— Дугды!..
— Красноармеец азын пересь мурт сылйз. Чугун скорес выж выльысь лампаослэн югытсы пересь муртэз умой ад'ыны юртйз. Со бад'ым тушо, губыртскемын. Пальтоэз вуж, кесяськемын.

Пересь мурт кылымаз кема кызыса улай. Собере йырзэ жутиз но тазы вераз:

— Тон, родимой басыты штыкэ. Мон белгой мурт уг луиськы веть. Мон матысь

луисько, белорусс. Тани, курастькыса ветлайсько.

... Младшой командир, выжез возмась постлэн начальникез, пересь мурт шоры эскериськыса учкиз. Пересь муртлэм вераськемез семен ик солэсь юаз со:

— Кия нош тыныд туштэ лякиз?

Та кутэм мурт—егит, 25 арес'эм пи вылэм. Пересьлы пормытскыса но урод дйсен дйсыськыса, со маскироваться гинэ карыськем. Фашистской разведкалэн заданиез'я Советской Союзэ вуи шуыса со допросын вераз.

Кунгож сьорысь евангельской хрестьян'эслэн центрзлысь инструкториос басытэм со. Советской Союзын сектанской масионер луыса ужаны со малпа вылэм.

Б-Кияик сельсоветысь, „Майский“ колхозлэн кладовщикез Шуклин нокыче ответственностьтэк ужаменыз 5 тонна жегез сьориз, но сое колхозник'эслы локылызы. Колхозлэн правленезлэн син аяз мукет урод уж'эс но лэстысько.

Кылсарысь, 19 июле Пушкин тымет чыпон дыр'я колхозлэсь валзэ шур дуре думы-

Горд пул

Завьяловской районуысь оргкомитетлэн решениез'я уборочной уж'эсты синмаськымон организовать каремзы понна но жег аранэз 7-8 нуналскын быдэстэмзы понна районной горд пул вылэ гожтйсько:

1. Ильинка с.с. председателез Коробейников эш.

2. Якшур с.с. председателез Егоров эш.

3. „Наговицино“, „Удмуртка“ но „Восход“ колхоз'эс.

4. Якшур сельсоветысь „Светлый путь“ но „Красная звезда“ колхоз'эс.

5. Пазелы сельсоветысь „Пастуково“ но „Дас ар“ колхоз'эс.

6. Етин ишкон, тышкан но вёлдон планэз дыраз но умой быдэстэмез понна Завьяловской с.с. „Красный труд“ колхозысь льноводной звено.

Сьод пул

Жегез октон - калтонн но етин ишконн ужез урод организовать каремзы понна, жег кизёнэз, нянь сётонэз но МТС-лэн ужакезлы натуроплата нуонэз жегатэмзы понна Завьяловской районуысь оргкомитетлэн пунктэмез'я районной сьод пул вылэ гожтйсько:

1. Вуж-Кены с.с. председателез Новокрещенов.

2. Раскольниково с.с. „Рассвет“ колхоз.

3. Докша с.с. „Перелом“ колхоз.

4. Вуж-Кены с.с. „Красный пахарь“ колхоз.

Гектарысь 31 центнер жег

Кылем арын „Новый путь“ колхозын жег ваньмыз ик „Вятка“ нимо сортовой кидысэн киземын вал. Туэ уноэз колхоз'эс кидыс участок'эсыз сортовой кидысэн кизем понна та колхозысь, жег нуо. Али колхозын кутсаьскон мынэ. 13 августа 4,5 гектар выльысь кутсаса 140 центнер жег скориз. Озы тини, одиг гектарысь 31 центнерлэсь но уно жег скоре.

Ю-тысь кутсам интыяз кельтйське

Сов-Никольской сельсоветысь „Новый путь“ колхозын кутсам юэз складэ кытэк уй азелы кельто. Озы нуналлы быдэ 200 центнер пала ю-тысь мертатэк интыяз кельтэмын луэ.

Колхозлэн правленез та же ужез тупатон выльысь нокыче ужрад уг куты. Колхозлэн ревизионной комиссияез но та же ужлэсь палэнын сылэ.

ПОТАПОВ.

Правление ужрад уг куты

Б-Кияик сельсоветысь, „Майский“ колхозлэн кладовщикез Шуклин нокыче ответственностьтэк ужаменыз 5 тонна жегез сьориз, но сое колхозник'эслы локылызы. Колхозлэн правленезлэн син аяз мукет урод уж'эс но лэстысько.

Кылсарысь, 19 июле Пушкин тымет чыпон дыр'я колхозлэсь валзэ шур дуре думы-

Райкомоллы нуналмысь кивалтоно

(ВЛКСМ-лэн III Ижевской районной конференцияз Ураков зшлэн верамысьтыз).

Туж уноэз комсорг'эс пöлысь, соос вылэ бад'ым ужез —воспитательной уж нуонэн уг шонерско, соослы комсомолец'эсын -оскем ужез оправдать уг каро.

Та ласянь бад'ым янгыш комсомоллэн районной комитетэз вылэ усө. Со комсорг'эслэсь тодонзэс жутон понна номыр уг лэсты. Милемлы конкретной указаниос уг сёт'я. Мон комсорг луыса кытэтй

арзэ ужасько ини, нош та дыр куспын райкомолысь ужаськөс одйгез но оз вуылэ на. Комсомолец'эс пöлын ужез кызы организовать карыны указаниос сөтйсь өвöл. Та ласянь одйг пол гинэ мон райкомолэ ой ветлы, нош нокы но кулэ луись ответ'эс ой басытылы.

Первичной комсомольской организацииын кивалтонэз чутрак тупатыны кулэ, соку гинэ соос умой ужаськөс луозы.

Массовой ужез умоятоно

(ВЛКСМ-лэн III Ижевской районной конференцияз Вахрушев зшлэн верамысьтыз).

Пропагандист луыса мон 2 толэзь пала ужай. Политкружок Карпинскойлэн учебникез'я ортчыт'ям но 4 тема проработать карим. Татчы комсомолец'эс умой ветло вал. Нош райкомолын ужаськөс ласянь мыным нокыче юрттэт но указаниос сөтэмын ой вал. Ужын ую валамтэ интыос пумиськылызы. Райкомын ужаськөслэсь юрттэт ой басытылы.

Милям колхозник'эс пöлын валактон но массовой уж лэб пуктэмын. Али ужез возыматйсь

пул, горд но сьод пул вань, борд газет'эс поттылысько. Нош таос кулэз'я пуктэмын өвöл на.

Клубной ужлы колхоз правлениеос но лэб юртто. Клубын ужам понна коньдон вис'яв интые, „Ударник“ колхозлэн правлениез районнон 235 манет вис'ям коньдон пöлысь 100 манетсэ аслыз кариз.

Тини та ваньмыз ик колхозысь егит'эс пöлын воспитательной ужез умой пуктыны локетэ.

Политучеба формально ортче

(ВЛКСМ-лэн III Ижевской районной конференцияз Бабина зшлэн верамысьтыз).

Милям школаамы комсомолец'эс пöлын политико-воспитательной уж өвöл. Политучебая кружок ужас ке но занятиос отын организованно оз ортчылэ.

Комсомоллэн райкомез Шуклинэз пропагандистэ назначить карыса, солэн уженыз оз тунсык'яськы но солэсь ужзэ оз эскерылы. Нош ачиз Шуклин туж урод заниматься карыськылыз. Занятылы оз дасяськылы, милемдыс интересовать карысь ужпум'эслы чем дыр'я

вераны оз быгатылы. Кылсарысь, „мар со централизм“ шуыса юанлы Шуклин номыр но вераны оз быгаты.

Шуклин историк луыса ужакуз, сое формально гинэ ортчылэ, дышетыны оз дасяськылы. Историез дышетон ингыме маке гинэ йыраз вань, сое вераллэз. Со ик директор луыса пионерской ужлы чик саклык оз вис'ялла. Соин ик пионер'эс пöлын нокыче уж но ой вал. Нош ВЛКСМ райком та же ужез буйгаткылыз.

Быр'иськон законэз изучать каро

„5 лет УАО“ совхозысь 29 занятие ортчытамын но 6 занятие —партийной просвещения школасын.

Та быр'иськон законэз изучать карон'я совхозлэн мукет'эсас но фермаосаз бад'ым ужмынэ, нош со уж самотеке лэземын. Парторг Рябов лэдйськысты но беседчик'эсты выделить кариз но соосты уж вылын одйгпол но оз эскеры на. Со политико-воспитательной ужлэсь локыськем, ужаськөслэсь политической вопрос'эсыз тодон ласянь запрос'эссэс изучать уг кары. Со хозяйственной уж'эсын гинэ заниматься каре.

Совхозын кона кружок быр'иськон законэз изучать карон'я ужа, сое но со уг тоды.

„СССР-ысь Верховной Советэ быр'ён сярсы Положение“ нимысьтыз кылдытэм кружок'эсын но собраниосын изучать карыське.

Та кружок'эсын быр'иськон законэз изучать карыку ужаськөс трос юан'эс сөт'яло но со юан'эслы агитатор'эс валамон ответ сөто.

1 номеро фермаын быр'иськон законэз изучать карон'я

Отв. редактор А. ВЕРЕТЕННИКОВ. Поттись райисполком. Заказ № 1121